


Bìoball airson na Cloinne
A'cur fan comhair

Mìorbhailean Ìosa



Sgrìobhte le: Edward Hughes

Dealbhan le: Byron Unger; Lazarus
Alastair Paterson

Eadar-theangaichte le: E. Frischbutter; Sarah S.

Air eadar-theangachadh le:
Eleanor Wood agus Joan NicDhòmhnaill

Dèanta le: Bible for Children
www.M1914.org

©2023 Bible for Children, Inc.

Cead: Tha cead agaibh an sgeulachd seo a chlà-bhualadh,
agus leth-bhreacan a dhèanamh, fhad nach eil sibh gan reic.




Rinn Ìosa iomadh mìorbhail. Bha mìorbhailean a' sealltainn gur e Mac Dhè a bh' ann an Ìosa. Thachair a' chiad mhìorbhail aig banais. Bha duilgheadas aca. Cha robh fìon gu leòr ann airson a h-uile duine.



Dh'innis Moire, màthair Ìosa, Dha mun duilgheadas,
agus an uair sin thuir i ris na searbhantan dèanamh
rud sam bith a bha Ìosa ag iarraidh.




"Lìon na poitean sin le uisge," thuir
Ìosa. "Uisge?" ars iadsan. Seadh,
's e uisge a dh'iarr Ìosa.



An uair sin, thuir Ìosa
ri searbhanta deoch
a dhòirteadh bho aon
phoit mhòr agus leigeil
leis an fhear a bha an
ceann na bainnse
fheuchainn. Bha
an t-uisge air
tionndadh gu
fìon! Fìon
math! Am
fìon as
fheàrr!





Bha iongnadh air na searbhantan.
Bha Ìosa air uisge a thionndadh
gu fìon. Cha b' urrainn
ach Dia fhèin
mìorbhailean
a dhèanamh.



Rinn Ìosa mìorbhailean eile.
Aon fheasgar, chaidh E fhèin
agus A dheisciobail gu taigh
Pheadair. Bha màthair-chèile
Pheadair glè thinn le fiabhras.



Chuir Ìosa làmh air làmh a' bhoireannaich thinn.
Ann am mionaid bha i gu math a-rithist. Dh'èirich
i a fhrithealadh air Ìosa agus A dheisciobail.




Bha e mar gu robh
am baile gu lèir air
cruinneachadh aig
an doras an oidhche
sin. Thàinig daoine
tinn - dall, bodhar,
balbh, crioplaich.
Thàinig fiù daoine
le deamhain annta
a dh'fhaicinn
Ìosa. Am
b' urrainn Dha
cuideachadh
na bha seo?



B' urrainn do Ìosa, mac Dhè, cuideachadh. Agus sin a rinn E. Chaidh a h-uile duine a thàinig Thuige a shlànachadh. Bha daoine a bha air dà bhata fad am beatha a' ruith agus a' leum a-nis.



Agus thàinig
feadhainn eile
a bha air am
milleadh leis
an luibhre.



Dh'fhàs iad slàn
agus glan a-rithist
nuair a shlànaich
Ìosa iad.




Thàinig fir agus boireannaich a bha air
an sàrachadh le
deamhain agus
sheas iad air
A bheulaibh.
Thuirte ris
na deamhain
falbh. Rinn na
deamhain mar
a thuirte E agus
dh'fhàs daoine
air an robh
bròn agus
eagal, ciùin
agus toilichte.



Aig cùl an t-sluaigh, bha ceathrar dhaoine a' feuchainn ri an caraid fhaighinn faisg air Ìosa ach cha b' urrainn dhaibh. Dè a ghabhadh dèanamh?



Thog an ceathrar charaidean
dìleas an duine tinn an-àirde
air mullach an taighe, thug
iad am mullach às a chèile
agus leig iad an duine tinn
sìos gu làr. Bha
e nis faisg air
Ìosa.



Chunnaic Ìosa gu robh creideamh làidir aig a' cheathrar charaidean.


Thuir E ris an duine

tinn, "Tha do pheacaidhean air am maitheadh dhut. Èirich agus tog do leabaidh."

Sheas an duine, a bha a-nis làidir, fallain. Bha Ìosa air a shlànachadh.




Goirid às dèidh seo, bha
Ìosa ann am bàta còmhla ri
A dheisciobail. Dh'èirich
stoirm eagallach. Bha Ìosa
na chadal. Bha eagal
mòr air na deisciobail
agus dhùisg iad E. "A
Thighearna, sàbhail
sinn. Tha sinn a'
bàsachadh!"



“Bi ciùin,” thuir Ìosa ris na tuinn. Anns a’ bhad,
bha a’ mhuir ciùin. “Dè seòrsa duine a tha seo?”
dh’fhaighnich A dheisciobail. Tha fiù a’ ghaoth agus
a’ mhuir a’ dèanamh na tha e ag iarraidh.

Bha iad a’ creidsinn gur e
Ìosa mac Dhè oir bha
A mìorbhailean a’
sealltainn A ghlòir.
Cha robh fhios aig na
deisciobail aig an àm,

ach an ceann sreath
chitheadh iad mìorbhailean
fiù nas motha na sin agus
E ag obair ann an seirbheis
Dhè an measg dhaoine.



Mìorbhailean Ìosa

Tha an sgeulachd seo à Facal Dhè,
Am Bìoball, ri

Mata 8-9, Marcus 1-2, Marcus 4,
Lùcas 4, Lùcas 8, Eòin 2

Tha an leabhran seo mar ghibht bho:
"Bheir fosgladh do bhriathar solas."
Salm 119:130



A' Chrìoch

40

60



Tha sgeul a' Bhìobaill ag innse dhuinn mu ar Dia mhìorbhaileach a chruthaich sinn agus a tha ag iarraidh gum bi thu eòlach Air.

Tha fios aig Dia gu bheil sinn air rudan dona a dhèanamh, rudan ris an can Esan peacadh. Is e bàs am peanas airson peacadh, ach tha gaol cho mòr aig Dia ort gun do chuir e an t-aon Mhac a bh' aige, Ìosa, a bhàsachadh air Crois, agus a dh'fhulang airson nam peacaidhean agadsa. An uair sin thàinig Ìosa beò a-rithist agus chaidh E dhachaigh a Nèamh! Ma bhios tu a' creidsinn ann an Ìosa agus ag iarraidh Air do pheacaidhean a mhathadh, nì E sin! Thig E a thàmh annad an-dràsta, agus bidh tu beò còmhla Ris gu bràth.

Ma tha thu a' creidsinn gur e seo an fhìrinn, can seo ri Dia: Ìosa chaoimh, tha mi a' creidsinn gur Tusa Dia agus gun tàinig thu don talamh a bhàsachadh air mo sgàth, agus gu bheil Thu beò a-rithist. Thig nam bheatha agus maith dhomh mo pheacaidhean agus am faigh mi beatha ùr an-dràsta, agus aon latha gun tèid mi a dh'fhuireach còmhla Riutsa gu sìorraidh. Cuidich mi a bhith gad leantainn agus a bhith beò air Do sgàth mar Do leanabh. Amen.

Leugh am Bìoball agus bruidhinn ri Dia a h-uile latha! Eòin 3:16

